



অবিলম্বে প্রকাশের উদ্দেশ্যে: 10/20/2022

গভর্নর ক্যাথি হোকল

43NORTH এর 8ম বার্ষিক স্টার্টআপ প্রতিযোগিতায় 1 মিলিয়ন ডলার বিজয়ী পাঁচটি কোম্পানি সম্পর্কে গভর্নর হোকলের ঘোষণা

হাই স্টেক স্টার্টআপ শোডাউনে পাঁচটি কোম্পানির প্রত্যেকে 1 মিলিয়ন ডলার করে বিজয়ী হয়েছে - যা ওয়েস্টার্ন নিউ ইয়র্কের উদ্ভাবনী অর্থনীতিকে এগিয়ে নিয়ে যাবে

গভর্নর ক্যাথি হোকল আজ বাফেলোতে আয়োজিত নিউ ইয়র্ক স্টেটের 5 মিলিয়ন ডলারের স্টার্টআপ প্রতিযোগিতা, অষ্টম বার্ষিক 43North ফাইনালস-এর বিজয়ীদের নাম ঘোষণা করেছেন, যেখানে পাঁচটি কোম্পানির প্রতিটিকে 1 মিলিয়ন ডলারের বিনিয়োগ প্রদান করা হয়েছে। আর্থিক বিনিয়োগের পাশাপাশি, এই পাঁচ বিজয়ী তাদের কোম্পানিকে বাফেলোতে স্থানান্তর করবে এবং এই শহরের সবচেয়ে উঁচু স্কাইস্ক্র্যাপার, সেনেকা ওয়ান (Seneca One)-এ 43North ইনকিউবেটর থেকে কার্যক্রম পরিচালনা করবে। বাফেলোতে শিয়া'স পারফর্মিং আর্টস সেন্টারে একটি পুরস্কার বিতরণী অনুষ্ঠানের সময় আজ সন্ধ্যায় এই বিজয়ীদের নাম ঘোষণা করা হয়।

"নিউ ইয়র্ক উদ্ভাবনমূলক অর্থনৈতিক সমৃদ্ধি লালন এবং কর্মসংস্থান তৈরি করার ব্যাপারে একটি মডেল হয়ে উঠেছে, এবং 43North এর মতো কর্মসূচিগুলো আগামী দিনের যুগান্তকারী কোম্পানিগুলোর জন্য অপরিহার্য বিনিয়োগ ও সহায়তা প্রদান করছে," **বলেছেন গভর্নর হোকল।** "এই অনন্য সুযোগ কাজে লাগানোর জন্য আমি পাঁচটি বিজয়ী কোম্পানিকে অভিনন্দন জানাই এবং তাদের বাফেলোতে স্থানান্তর হওয়া, কর্মী নিয়োগ দেওয়া, বেসরকারি মূলধন উত্তোলন, এবং সম্পত্তি ও সরঞ্জামের জন্য বিনিয়োগ করতে দেখার জন্য অধীর আগ্রহ নিয়ে অপেক্ষা করছি। তাদের কাজ এমন একটি এলাকায় যোগ হবে যেটি দ্রুত গতিতে শিল্পোদ্যোগের একটি পাওয়ার হাউজ হয়ে উঠছে।"

ভবনটির উদ্ভাবনী ও সহযোগিতামূলক টেক হাব-এ এক বছরের জন্য বিনামূল্যে জায়গা পাওয়া ছাড়াও, বিজয়ীরা স্থানীয় সংস্থানসমূহের একটি সমৃদ্ধ ভাণ্ডার থেকেও উপকৃত হবে, যার মধ্যে অভিজ্ঞ মেন্টর, সম্ভাব্য গ্রাহক, ব্যবসা প্রতিষ্ঠানের জন্য প্রণোদনামূলক কর্মসূচি, এবং 43North এর 900 জনেরও বেশি বিনিয়োগকারীর নেটওয়ার্ক অন্তর্ভুক্ত রয়েছে।

2022 সালে 43North প্রতিযোগিতার বিজয়ীরা হচ্ছে:

আগাপি ওয়েলনেস (Agape Wellness) - মনরো কাউন্টি, NY

প্রতিষ্ঠাতা: খাদেশা ওকউডিলি

Agape হলো সম্পর্কের সুস্থতা সংক্রান্ত একটি কোম্পানি যা অর্থপূর্ণ কথোপকথন শুরু করতে স্বকীয় প্রশ্ন ব্যবহার করে।

AMPAAworks (অ্যামপাওয়ার্কস) - স্যান্টা মনিকা, CA

প্রতিষ্ঠাতা: বিয়াঙ্কা গঞ্জালেজ

AMPAAworks হচ্ছে এমন একটি ক্যামেরা যেটি ফার্মেসি, মেডিকেল ডিভাইস কোম্পানি, সার্জারি সেন্টার, ক্লিনিক, ও হাসপাতালগুলোতে সম্পূর্ণ ইনভেন্টরির দৃষ্টিগোচরতা নিশ্চিত করতে কম্পিউটার ভিশন A.I. ব্যবহার করে।

মড টেক ল্যাবস (Mod Tech Labs) - অস্টিন, TX

প্রতিষ্ঠাতা: আলেজান্দ্রিয়া পোর্টার

MOD ছবি ব্যবহার করে বাস্তব জগতের ডিজিটাল রূপ তৈরি করার মাধ্যমে সার্বজনীন 3D কন্টেন্ট

তৈরি করতে এন্টারপ্রাইজ কোম্পানিগুলোকে সাহায্য করে।

Otrafy (অট্রাফি) - শিকাগো, IL

প্রতিষ্ঠাতা: নহাট নুয়েন

Otrafy একটি AI-চালিত SaaS সরবরাহকারী ব্যবস্থাপনা প্ল্যাটফর্ম যা কমপ্লায়েন্স স্বয়ংক্রিয়করণ এবং ঝুঁকি শনাক্ত করতে সক্ষম।

Phood (ফুড) - নিউ ইয়র্ক সিটি, NY

প্রতিষ্ঠাতা: অ্যালেক্স পার্মলে

শিক্ষার্থীদের ফ্লেক্স ডলার অ্যাকাউন্ট ও গিগ অর্থনীতির মধ্যে সংযোগ তৈরি করতে Phood বিশ্ববিদ্যালয়ের কার্ড পরিষেবাগুলোর সাথে একীভূত হয়।

43North-এর বিজয়ীরা নিম্নলিখিত চূড়ান্ত বিচারকদের দ্বারা নির্বাচিত করা হয়েছিল:

- রেয়ার-ব্রিড ভেঞ্চার্স (RareBreed Ventures)-এর প্রতিষ্ঠাতা ও ম্যানেজিং পার্টনার ম্যাক কনওয়েল II
- ম্যাডিসন 25 (Madison 25)-এর ম্যানেজিং ডিরেক্টর এবং কোটেরি (Coterie)-এর সহ-প্রতিষ্ঠাতা ও COO, সারা গার্সন
- গ্যারি গিন্সবার্গ, লেখক, *ফার্স্ট ফ্রেন্ডস (First Friends)*, বাফেলোর বাসিন্দা, NY তহবিল সম্পর্কে অভিজ্ঞ LP
- IRL ভেঞ্চার্স (IRL Ventures)-এর প্রেসিডেন্ট ও প্রতিষ্ঠাতা, ট্যারিন জোনস লাবেন
- বেন লেরার, ম্যানেজিং পার্টনার, লেরার হিপিউ (Lerer Hippeau)

43North এর চেয়ারম্যান মাইক উইসলার বলেন, "প্রতি বছর, 43North পোর্টফোলিওতে একটি স্থান অর্জনের জন্য প্রতিযোগিতা করতে আমাদের শহরে আসা শিল্পোদ্যোক্তাদের মেধা,

উদ্যম, ও উদ্ভাবন দেখে আমরা সম্মানিত বোধ করি। এই নতুন নেতৃত্বকে বাফেলোতে স্বাগত জানাতে পেরে এবং আমাদের শহরে কার্যক্রম গড়ে তোলা এবং পরিসর বৃদ্ধি করার মধ্য দিয়ে তাদের শিল্পোদ্যোগের লক্ষ্যসমূহ অর্জন করতে তাদেরকে সহায়তা করতে পেরে আমরা উচ্ছসিত।"

43North এর প্রেসিডেন্ট কোলিন হেইডিঙ্গার বলেন, "আপনার ব্যবসা প্রতিষ্ঠান স্থাপন করার মতো একটি স্থান হিসেবে বাফেলোর সুনাম ছড়িয়ে পড়েছে: এবছর এই প্রতিযোগিতার জন্য আমরা দ্বিগুণেরও বেশি সংখ্যক অংশগ্রহণকারী পেয়েছি এবং আমরা সবাই 43North পোর্টফোলিও-এর সফলতা সরাসরি প্রত্যক্ষ করছি। অন্যদিকে, এসব উচ্চ-সমৃদ্ধি অর্জনকারী কোম্পানি আমাদের অঞ্চলে সবার জন্য নতুন সুযোগ-সুবিধা নিয়ে আসছে। আমাদের 8ম বর্ষের কোর্টের সঙ্গে এই যাত্রা শেষার করতে পেরে এবং বাফেলো কমিউনিটিতে তাদেরকে স্বাগত জানাতে পেরে আমরা উচ্ছসিত।"

এম্পায়ার স্টেট ডেভেলপমেন্ট (Empire State Development)-এর প্রেসিডেন্ট, CEO ও কমিশনার হোপ নাইট বলেন, "43N চালু হওয়ার পর থেকে এক্ষেত্রে ESD যে মৌলিক ভূমিকা পালন করে আসছে তার জন্য এটি গর্বিত। আমাদের জানা ছিল যে উদ্যোক্তাদের একটি উদীয়মান কমিউনিটি রয়েছে যারা ভবিষ্যত সফলতার স্বপ্ন বুনছেন, কিন্তু সেটিকে বাস্তবে পরিণত করার জন্য সাহায্য প্রয়োজন। 43North এ এবং আমাদের স্টার্টআপ প্রতিযোগিতায় বিজয়ী হওয়া প্রতিটি কোম্পানিতে বিনিয়োগ করার মাধ্যমে হাই-টেক উদ্ভাবনের একটি হাব হিসেবে জাতীয় পর্যায়ে বাফেলোর সুনাম বৃদ্ধি করতে ESD-এর তহবিল অত্যন্ত গুরুত্বপূর্ণ একটি ভূমিকা পালন করেছে।"

এই প্রতিযোগিতা নিউ ইয়র্ক স্টেটের বাফেলো বিলিয়ন (Buffalo Billion) উদ্যোগের অংশ যা নিউ ইয়র্ক পাওয়ার অথরিটির (New York Power Authority) আর্থিক সহায়তায় পরিচালিত হয়। গত সাত বছর ধরে, 43North 59টি কোম্পানির বৈচিত্র্যময়, শিল্পের অ্যাগনস্টিক পোর্টফোলিওতে বিনিয়োগ করেছে, যেগুলোতে 44% অশ্বতাঙ্গ প্রতিষ্ঠাতা এবং 28% নারী প্রতিষ্ঠাতা রয়েছে। এবছরের শুরুর দিকে, 43North রিপোর্ট করেছে যে এর পোর্টফোলিও কোম্পানিগুলো সম্মিলিতভাবে ওয়েস্টার্ন নিউ ইয়র্কে 1,000 এরও বেশি কর্মসংস্থান তৈরি করেছে। 43North এর পোর্টফোলিওর 60% এরও বেশি বাফেলোতে কার্যকর উপস্থিতি বজায় রাখে।

43North সম্পর্কে

43North একটি এক্সেলারেশন প্রোগ্রাম যা বার্ষিক স্টার্টআপ প্রতিযোগিতা আয়োজন করে, নিউ ইয়র্কের বাফেলোতে উচ্চ-বিস্তারের কোম্পানি আকর্ষণ ও প্রসারের জন্য প্রতি বছর 5 মিলিয়ন মার্কিন ডলার বিনিয়োগ করে। 43North তালিকাভুক্ত কোম্পানিগুলো এছাড়াও বাফেলোতে এক বছরের জন্য বিনামূল্যে অনুকূল পরিবেশে বিকাশ লাভ করার জায়গা, সংশ্লিষ্ট ক্ষেত্রে পরামর্শদাতাদের দিকনির্দেশনা, এবং START-UP NY এর মত ব্যবসায়িক অনুপ্রেরণামূলক প্রোগ্রামে প্রবেশাধিকার পায়। 43North পরিচালিত হয় গভর্নর ক্যাথি হোকল, এম্পায়ার স্টেট ডেভেলপমেন্ট, রালফ সি. উইলসন জুনিয়র ফাউন্ডেশন এবং আরো বেশ কিছু পৃষ্ঠপোষকের সমর্থনে। 43North সম্পর্কে আরো তথ্যের জন্য ভিজিট করুন www.43north.org।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418